

সূত্র

প্রিন্ট: ২০ এপ্রিল ২০২৫, ০৩:২০ পিএম


শিক্ষাঙ্গন

৫ দিনেই সার্টিফিকেট পাবেন রাবির শিক্ষার্থীরা



রাবি প্রতিনিধি

প্রকাশ: ১৩ এপ্রিল ২০২৫, ১০:৫০ পিএম



রাজশাহী বিশ্ববিদ্যালয়ের (রাবি) বিভিন্ন পরীক্ষার প্রতিশনাল ও মূল সনদ (সার্টিফিকেট) প্রদানের সামগ্রিক প্রক্রিয়া আধুনিকায়ন করা হয়েছে। এর ফলে আবেদন প্রক্রিয়া সম্পন্নের মাত্র ৫

রোববার (১৩ এপ্রিল) সকাল ১০টায় শহিদ সৈয়দ নজরুল ইসলাম প্রশাসন ভবনের কনফারেন্স কক্ষে উপাচার্য প্রফেসর সালেহ হাসান নকীব এই প্রক্রিয়া আধুনিকায়ন ব্যবস্থার উদ্বোধন করেন।

বিশ্ববিদ্যালয় সূত্রে জানা গেছে, সার্টিফিকেট দেওয়ার প্রক্রিয়া আধুনিকায়নের জন্য সম্পূর্ণ সফটওয়্যার আধুনিকায়ন করা হয়েছে। এর মাধ্যমে অনলাইনে ফি প্রদানের জটিলতা নিরসন এবং আবেদনপত্র জমা ও সনদ দেওয়ার জন্য এসএমএস দেওয়া হবে। কোনো আবেদনে ভুল থাকলে সেটিও এসএমএসের মাধ্যমে জানানো হবে। আর নির্ভুলভাবে আবেদন প্রক্রিয়া সম্পন্ন হওয়ার পর ৫ কার্যদিবসের মধ্যে মূল সনদ দেওয়া হবে।

উদ্বোধন শেষে বিশ্ববিদ্যালয়ের উপাচার্য অধ্যাপক সালেহ হাসান নকীব বলেন, এর মাধ্যমে আরও দ্রুততার সঙ্গে সনদ দেওয়া যাবে। এর মধ্য দিয়ে আবেদনকারীদের সময় সাশ্রয় ও সেই সম্পর্কিত বিড়ম্বনা লাঘব হবে। আগামীতে এই প্রক্রিয়া আরও আধুনিকায়নসহ পরীক্ষা সংক্রান্ত সামগ্রিক প্রক্রিয়া সময়োপযোগী করার কাজও চলছে।

এ সময় অন্যদের মধ্যে উপ-উপাচার্য (প্রশাসন) অধ্যাপক মাইন উদ্দীন ও অধ্যাপক ফরিদ উদ্দীন খান, কোষাধ্যক্ষ অধ্যাপক মতিয়ার রহমান, ভারপ্রাপ্ত রেজিস্ট্রার অধ্যাপক ইফতিখারুল আলম মাসউদ, ভারপ্রাপ্ত পরীক্ষা নিয়ন্ত্রক অধ্যাপক হাসনাত কবীরসহ পরীক্ষা নিয়ন্ত্রণ দপ্তরের সংশ্লিষ্ট কর্মকর্তারা উপস্থিত ছিলেন।